

Efendić dr. Adnan, redovni profesor
Ekonomski fakultet Univerziteta u Sarajevu
Oblast: Ekonomija

Čaušević dr. Fikret, redovni profesor
Ekonomski fakultet Univerziteta u Sarajevu
Oblast: Ekonomija

Halilbašić dr. Muamer, redovni profesor
Ekonomski fakultet Univerziteta u Sarajevu
Oblast: Ekonomija

**VIJEĆU EKONOMSKOG FAKULTETA
UNIVERZITETA U SARAJEVU**

Na osnovu člana 69., 123. i 176. Zakona o visokom obrazovanju („Službene novine Kantona Sarajevo“, broj: 36/22), člana 111., 236. i 294. Statuta Univerziteta u Sarajevu, prijedloga Odluke Vijeća Univerziteta u Sarajevu - Ekonomskog fakulteta od 26. 06. 2023. godine, Odluke Senata Univerziteta u Sarajevu broj 01-13-21/23 od 19. 07. 2023. godine, Odluke Vijeća Univerziteta u Sarajevu - Ekonomskog fakulteta od 09. 11. 2023. godine i Rješenja Dekana broj 02-6001/23 od 09.11.2023. godine imenovani smo za članove Komisije za pripremu prijedloga i Izvještaja o izboru jednog nastavnika u zvanju docent, nepuno radno vrijeme, oblast „Ekonomija“. Na predmetni konkurs, koji je objavljen 25. 9. 2023. godine u dnevnom listu „Dnevni avaz“ i na web-stranici Univerziteta u Sarajevu - Ekonomskog fakulteta i Univerziteta u Sarajevu prijavio se jedan kandidat u zvanju višeg asistenta:

1. Muminović dr. Adnan

Prema potvrdama Službe za pravne i personalne poslove (broj 07-6-6145/23 od 14. 11. 2023. i broj 07-6-6291/23 od 20. 11. 2023. godine) prijava sa priložima kandidata je blagovremena, potpuna (uredna) sa uslovima utvrđenim Konkursom od 25. 9. 2023. godine.

Na osnovu pregleda Prijave i priložene dokumentacije, ocjene naučno-istraživačkih radova, pedagoške i profesionalne aktivnosti prijavljenog kandidata, Komisija podnosi Vijeću Ekonomskog fakulteta Univerziteta u Sarajevu slijedeći

IZVJEŠTAJ.

1. Biografski podaci

Muminović mr. Adnan rođen je 26. augusta 1987. godine u Sarajevu. Studirao je na Ekonomskom fakultetu Univerziteta u Sarajevu gdje je diplomirao 2009. godine kao student „Dekanove liste“. Njegov diplomski rad je bio posvećen Johnu Maynardu Keynesu i "Opštoj teoriji zaposlenosti, kamate i novca".

Svoj prvi postdiplomski studij kandidat upisuje 2010. godine u Centru za interdisciplinarne studije Univerziteta u Sarajevu. Tri godine kasnije, stiče zvanje Mastera evropskih studija na temu političkog identiteta Evropske unije.

U narednom periodu je radio kao praktikant u Njemačkom parlamentu u Berlinu, te u Heinrich Böll Foundation u Washington D.C.-u.

Krajem 2017. godine kandidat upisuje doktorski studij na Ekonomskom fakultetu Univerziteta u Sarajevu. U međuvremenu kao Chevening stipendista Britanske vlade 2019. godine ide u London gdje završava svoj drugi postdiplomski studij na The London School of Economic and Political Science i postaje magistar nauke iz Psihologije ekonomskog života. Po povratku u Sarajevo, u julu 2023. godine, brani doktorsku disertaciju na temu „Trust and Risk in a Post-Conflict Economy: Evidence from Bosnia and Herzegovina“. Njegovo formalno obrazovanje prati niz međunarodnih ljetnih škola i stipendija u Češkoj, Austriji, Srbiji i Velikoj Britaniji.

Od maja 2014. godine, Muminović mr. Adnan počinje da radi kao asistent na Ekonomskom fakultetu Univerziteta u Sarajevu kao član Katedre za ekonomsku teoriju i politiku. Kontinuirano doprinosi nastavnom procesu držeći vježbe iz predmeta Makroekonomija, Ekonomija Evrope i Ekonomija evropske unije, kako na bosanskom, tako i na programu na engleskom jeziku.

Pored akademske karijere, kandidat je dugo godina radio kao ekonomski savjetnik u Uredu specijalnog predstavnika Evropske unije u Bosni i Hercegovini, te kao vanjski savjetnik u Uredu Premijera Vlade Federacije BiH. Pored pozicije višeg asistenta na Ekonomskom fakultetu Univerziteta u Sarajevu, trenutno radi kao ekonomski stručnjak u Američkoj ambasadi u Sarajevu. Sumarni prikaz radnog iskustva kandidata dajemo ispod:

- Asistent, Viši asistent, Ekonomski fakultet Univerziteta u Sarajevu, Sarajevo, Bosna i Hercegovina – 2014-trenutno. Vježbe iz predmeta Ekonomija evropske unije, Makroekonomija na bosanskom i engleskom programu. Član Katedre za ekonomsku teoriju i politiku.
- Economic Specialist, Ambasada Sjedinjenih Američkih Država, Sarajevo, Bosna i Hercegovina – 2023-trenutno. Odgovoran za analizu makroekonomskih kretanja i novih zakonodavnih prijedloga, te saradnju s domaćim vlastima i međunarodnim finansijskim institucijama.

- Konsultant, Svjetska banka, Sarajevo, Bosna i Hercegovina – 2021-2023. Analiza političke ekonomije državnih preduzeća u Federaciji Bosne i Hercegovine.
- Ekonomsko politički savjetnik, Ured Premijera Federacije Bosne i Hercegovine, Sarajevo, Bosna i Hercegovina – 2020-2023. Vanjski i nestranački savjetnik, finansiran od strane Britanske ambasade i UNDP-a. Odgovoran za osmišljavanje i implementaciju socio-ekonomskih reformi, promociju stranih investicija i saradnju s Međunarodnom zajednicom u BiH.
- Ekonomsko politički savjetnik, Ured Specijalnog predstavnika Evropske unije, Sarajevo, Bosna i Hercegovina – 2016-2019. Uključen u izradu, pregovaranje i implementaciju dva paketa socio-ekonomskih reformi u Bosni i Hercegovini u bliskoj saradnji s lokalnim vlastima i međunarodnim finansijskim institucijama. Drugi zadaci su uključivali izvještavanje o socio-ekonomskim dešavanjima, analizi političke ekonomije reformskih prijedloga kao i pisanje govora. Projektni menadžer za Inicijativu lokalnih vlasti u BiH.
- Politički savjetnik, Norveška ambasada, Sarajevo, Bosna i Hercegovina – 2014-2016. Analiza politički, ekonomskih i društvenih dešavanja u Bosni i Hercegovini i redovno izvještavanje za Ministarstvo vanjskih poslova u Oslu.
- Praktikant, Ured Specijalnog predstavnika Evropske unije, Sarajevo, Bosna i Hercegovina – 2013-2014. Dio sekcije vlada, parlamenata i političkih stranaka, odgovoran za pisanje dnevnih izvještaja o političkoj situaciji i dešavanja u Bosni i Hercegovini za Brisel.
- Praktikant, Heinrich Böll Foundation, Washington D.C., SAD – 2012-2013. Pomoćnik Programskog direktora za Vanjsku i sigurnosnu politiku i transatlantska pitanja.
- Praktikant, Njemački parlament, Berlin, Njemačka – 2012. Ured zastupnice Marieluise Beck (Bündnis 90/Die Grünen), predsjedavajuće parlamentarne grupe za odnose Njemačke i Bosne i Hercegovine. Odgovoran za izvještavanje o političkim dešavanjima i trendovima na Zapadnom Balkanu i istraživanje ekonomskog kriminala u Crnoj Gori kao dio parlamentarnog upita "Crna Gora na putu ka Evropskoj uniji".

Radio je kao konsultant za mnoge međunarodne institucije i organizacije, uključujući Svjetsku banku, International Republican Institute, Friedrich Ebert Stiftung i druge.

Njegovo interesovanje i naučni rad je posvećen makroekonomiji, političkoj ekonomiji, post-konfliktnim studijama i bihejvioralnoj ekonomiji. Kandidat u svojoj biografiji navodi da govori engleski i njemački jezik.

Kandidat je sticao dodatna obrazovanja na više međunarodnih institucija, uključujući:

- British Bosnia and Herzegovina Fellowship Programme; London, UK – 2016. Jednosedmični studijski program o troškovima i koristima socio-ekonomskih reformi u Londonu.
- Regional School of Political Philosophy dr Zoran Đinđić; Beograd, Srbija – 2013. Jednosedmična škola političke filozofije, s posebnim osvrtom na djela i politike Zorana Đinđića.
- The Graz International Summer School; Seggau, Austrija – 2009. Dvosedmična ljetna škola posvećena evropskim i međunarodnim odnosima, kao i globalnim dešavanjima i izazovima.
- AIPES Summer School; Prag, Češka republika – 2008. Trosedmična interdisciplinarna ljetna škola o političkim i ekonomskim temeljima slobodnog društva organizirana od strane Georgetown University i Karlovog univerziteta u Pragu.

2. RADOVI DO IZBORA U ZVANJE DOCENT

Doktorska disertacija

Doktorska disertacija na temu „Trust and Risk in a Post-Conflict Economy: Evidence from Bosnia and Herzegovina“ odbranjena na Univerzitetu u Sarajevu, Ekonomskom fakultetu 2023. godine. Disertacija donosi doprinos znanju u oblasti konfliktnih i post-konfliktnih studija. U ovom istraživačkom pregnuću kandidat istražuje dugoročne posljedice rata u Bosni i Hercegovini (1992-1995) koji su do sada ostali zanemareni u literaturi a koji se prevashodno odnose na izmijenjene psihološke preferencije ljudi koji su ga svjedočili. Disertacija polazi od činjenice da je rat, pored direktnih stradanja ljudi, ostavio potencijalno dugoročno negativne posljedice i na one koji su ga preživjeli, te samim tim doveo do gubitka fizičkog i ljudskog kapitala, ali i uticao ne povjerenje ljudi prema drugima i njihovu spremnost u životu da poduzmu rizik, a što su važne ekonomske determinante koje dovode i do sistematski različitih ekonomskih ishoda. Pored toga, disertacije se bavi i pitanjem mogućih posljedica koje strah od novog rata ima na ekonomske preferencije i namjere generacije rođene nakon posljednjih ratnih događanja, donoseći jednu novu dimenziju literaturi koja je u cjelosti neistražena za BiH. Kroz dva odvojena, ali komplementarna empirijska istraživanja, te jedan multidisciplinarni pristup u teorijskom i empirijskom zahvatu, disertacija donosi naučno-kredibilne nalaze da rat ostavlja duboke psihološke tragove u društvu koji zatim dovode do štetnih ekonomskih ishoda za pojedinca a time i zajednicu, čak i decenijama nakon njegovog okončanja. Disertacija stoga pruža jedan novi pogled za izučavanje raznovrsnih postkonfliktnih socio-ekonomski izazova u državi i kao takva donosi vrijedni doprinos nauci, struci ali i donosi odluka u vrijeme kada je prisutan naglašen značaj izučavanja ovakvih tema.

PUBLICIRANI RADOVI KANDIDATA

1. **Muminovic, A., & Efendic, A. (2023).** The long-term effects of war exposure on generalized trust and risk attitudes: Evidence from post-conflict Bosnia and Herzegovina. *Southeast European and Black Sea Studies*, 23(2), 299-316. <https://doi.org/10.1080/14683857.2022.2121250>. (Baze: Web of Science, SSCI, Q1).
2. **Muminovic, A. (2023).** Not Just Empty Rhetoric: The Economic Cost of Warmongering in a Post-Conflict Environment. *The South East European Journal of Economics and Business*, 18(2), 112-125. <http://journal.efsa.unsa.ba/index.php/see/article/view/2235/516>. (Baze: Web of Science, ESCI, Scopus Q2).
3. **O'Callaghan, G., & Muminovic, A. (2017).** Reform Agenda for Bosnia and Herzegovina: Conception and Early Progress. In S. Toperich, H. Obermeyer & T. Ivanovic (Eds.), *Vision 2020: Bosnia and Herzegovina Towards its European Future* (str. 3–33). Washington, DC: Center for Transatlantic Relations, Johns Hopkins University, SAD. <https://archive.transatlanticrelations.org/wp-content/uploads/2017/09/Bosnia-Book.pdf>. (ISBN: 978-0-9907721-0-1 4, Baza: COBISS.BH).
4. **Muminovic, A. (2014).** Voditi reformsku politiku kao nepopularan političar — Zavisnost politike Zorana Đinđića od finansijske podrške međunarodne zajednice. U R. Pavlović Đinđić (Eds.), *Zbornik radova učesnika i učesnica treće Regionalne škole političke filozofije „Dr Zoran Đinđić“* (str. 5-15). Beograd: Fondacija „Dr Zoran Đinđić“. (ISBN: 978-86-909999-5-8., Baza: COBISS.SR).

Nastavno – pedagoški rad

Muminović dr Adnan je u dosadašnjem skoro decenijskom nastavno-pedagoškom radu (2014-2023) prošao izbore u naučna zvanja asistent i viši asistent na Univerzitetu u Sarajevu - Ekonomskom fakultetu, oblast Ekonomija, Katedra za ekonomsku teoriju i politiku. Bio je zadužen saradnik za predmete Makroekonomija, Ekonomija evrope, Ekonomija evropske unije, uključujući nastavne vježbe koje su se izvodile kako na bosanskom tako i na engleskom jeziku za predmet Macroeconomics.

4. ZAKLJUČAK I PRIJEDLOG KOMISIJE

Na osnovu pažljivog pregleda priložene dokumentacije o akademskim referencama kandidata Muminović dr Adnana, Komisija je utvrdila da kandidat ispunjava uvjete za izbor u zvanje docent prema Zakonu o visokom obrazovanju Kantona Sarajevo i Statutu Univerziteta u Sarajevu. Kandidat je s uspjehom odbranio doktorsku disertaciju na Univerzitetu u Sarajevu, Ekonomskom fakultetu, kao i publicirao četiri rada u međunarodnim publicističkim izdanjima.

Dr Muminović Adnan je u svom dosadašnjem edukativnom putu uložio značajne napore u obrazovanje završivši dva postdiplomska studija, na Univerzitetu u Sarajevu i na the London School of Economics and Political Science. Pored toga, prošao je raznovrsne dopunske međunarodne škole, treninge i specijalizacije u više zemalja, uključujući Srbiju, Austriju, Njemačku, Češku i Veliku Britaniju. Kvaliteta naučnog istraživačkog rada kojeg je kandidat prezentirao u svojoj disertaciji rezultirali su sa dvije publikacije u žurnalima visokog naučnog ranga.


Kandidat također ima značajno iskustvo u međunarodnim istraživačkim projektima, a naročito u radu sa međunarodnim institucijama sa fokusom na policy aspekt usmjeren na promoviranje socio-ekonomskog napretka u Bosni i Hercegovini. Značajna iskustva je stekao na pozicijama savjetnika više domaćih i međunarodnih institucija u Bosni i Hercegovini.


Na osnovu prethodno iznesenog, Komisija predlaže Vijeću Ekonomskog fakulteta u Sarajevu da Muminović dr. Adnana izabere u zvanje docent, oblast Ekonomija, nepuno radno vrijeme.

Sarajevo, 24. 11. 2023. godine.

Komisija:




Prof. dr Adnan Efendić, predsjednik


Prof. dr Fikret Čaušević, član


Prof. dr Muamer Halilbašić, član

**Ekonomski fakultet****SAGLASNOST****za sudjelovanje u radu Komisije
za pripremanje prijedloga za izbor nastavnika**

Na osnovu člana 123. i 176. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22) i člana 236. i 294. Statuta Univerziteta u Sarajevu, dajem svoju saglasnost za sudjelovanje u radu Komisije za pripremanje prijedloga za izbor 1 nastavnika u zvanju docent na oblast Ekonomija po raspisanom Konkursu od 25. septembra 2023. godine i ispravke Konkursa od 26. septembra 2023. godine objavljenim u dnevnom listu „Dnevni avaz“ i web-stranici Univerziteta u Sarajevu – Ekonomskog fakulteta i Univerziteta u Sarajevu

1. Dr. Adnan Efendić, 
redovni profesor Univerziteta u Sarajevu – Ekonomskog fakulteta, oblast Ekonomija, predsjednik
2. Dr. Fikret Čaušević, 
redovni profesor Univerziteta u Sarajevu – Ekonomskog fakulteta, oblast Ekonomija i oblast Finansije, član
3. Dr. Muamer Halilbašić, 
redovni profesor Univerziteta u Sarajevu – Ekonomskog fakulteta, oblast Ekonomija, član

**Ekonomski fakultet**

Broj: 07-6-6291/23.
Sarajevo, 20.11.2023. godine

Na osnovu člana 256. Statuta Univerziteta u Sarajevu šef Službe za opšte poslove, donio je

POTVRDU

Prijava sa priložima dr. Adnana Muminovića, na Konkurs objavljen dana 25.09.2023. godine u dnevnoj štampi Dnevni avaz, Web-stranicama Ekonomskog fakulteta i Univerziteta u Sarajevu, za izbor akademskog osoblja u naučnonastavno zvanje, oblast Ekonomija, 1 nastavnik u zvanju docent, nepuno radno vrijeme je potpuna (uredna) sa uslovima utvrđenim Konkursom.

Zvanje za koje se kandidat dr. Adnan Muminović prijavljuje je docent.

Ova pisana Potvrda se dostavlja predsjedniku Komisije i predstavlja sastavni dio Izvještaja Komisije.



Šef Službe za opšte poslove

Senada Lalić
Senada Laličić, dipl.iur.

Dostaviti:

- Komisija
- Služba za pravne i personalne poslove
- a/a